



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Nicolaus Miles. 24. Decembr.

[urn:nbn:de:hbz:466:1-62968](#)

427 (§)

rum spe præsentia mala vincuntur. Unde tædio molestissimo nonnunquam exederis? Nonne ex eo, quod oblisceris Dei, qui solus potest te consolari?

3. Beati servi vita clausa est morte suavi ac felici; ultimo vitæ momento nihil timet, sperat omnia: miseras ac dolores linquit, ut incredibili gaudio, imò & gaudiorum fonte potiatur. O vos! qui lugetis, variis pressi miseriis, luctum abstergite: vitæ finis initium erit gaudiorum. Mundi hujus felices! ex voluptatum cœno in malorum oceanum transferemini. Seu senex, seu juvenis fueris, dispone domituæ. Nam mori se-
nibus est in januâ, juvenibus in insidiâ. Guerri.

S. NICOLAUS Miles.

24. Decembr.

*Parate viam Domini: rectas facite semitas ejus. S. Joan. Baptist. Lyc.
cap. 3.*

Hanc militum ego periculosissimam pugnam puto, quam cum castitatis hoste Amore pugnant. Nam huic succumbere, quid aliud est, quam triumphos suos vendere? Nicolao nostro crede, qui cum in Bulgaros moxit, Nicephori Imp. auspiciis, ecce prius quam

quam bellum hostis faceret, militi mulier fecit hospitis filia. Ter impetum in castissimum fecit; sed ter Nicolaus repulit Verecundiæ umbone tutus. Poterat ergo ante pugnam victoriam canere, solus ex omni exercitu Niccephori Victor. Etenim sub noctem Somnus Nicolaum in campum producit; videt stantes utrinque acies, signa signis inferri, viros viris concurrere, scuta scutis, pede pedem hærere. Interea aspicit ex Cælestibus Duci- bus unum, qui decussatis in crucem pedibus aleam belli regebat & victoriam ex suo arbitrio dispensabat. Nam cùm sinistrum pedem dexter premebat, Romani; cùm sinister dextro incumbebat, Bulgari vincebant. Sed & inter cæsorum corpora locum vacuum videt, auditque fatalem cum sibi & Commilitibus suis futurum fuisse, si Veneri heri palmam cef- sisseret, Somnii veritatem cum Sole dies osten- dit & strages Romanorum, quibus vincen- tibus primò, Bulgari ultimò victoriam extor- serunt. Tum enimvero Nicolaus rectius de- hinc bellaturus nomen militiæ Religiosæ de- dit. In hac tot trophyæ posuit, quot pugnas pugnavit. Illud nobilissimum omnium est, quod Nicolaus de Nicolao statuit.

Ex Menais.

MEDI-

M E D I T A T I O.

De Vigilia Nativitatis Christi.

1. Rægnans Maria in oppido Bethleemitico ostia.
tim hospitium quærit, nec est ei locus ullus in
diversorio. Quàm dudum Jesus pulsat, instat ad ostium
cordis tui? & simul te eum non audire. Hodie, Do-
mine, confessus ritè peccata, parabo, & aperiam cor
meum; veni, Jesu, veni, quid te moratur? an super-
biamea, an accidia, an terrestrialium bonorum amor?
Ah! facessant hæc omnia, ut ad me venire non grave-
ris.

2. Sunt qui Jesum recipiunt eodem modo, quo
cum recepturus erat Herodes si apud ipsum divertis-
set. Tu cujus in pectus cras Jesus venturus est, cave,
ne tam benignum hospitem male habeas, ne peccatis
sordidum sit hospitium. Cave item, ne statim novis
peccatis Jesum expellas. Væ illis! qui Christo hospi-
tium præbent, vitiis contaminatum. *Non minùs peccant*
quam qui Christum tradiderunt crucifigentibus Iudeis. Aug.

3. Adesto sacro quod fiet sub medianam noctem, ut
nacentem adores Jesum; sed pars sit humilitas, pietas
& fides tua humilitati, pietati & fidei pastorum; idem
quippe Deus nascitur in altari, qui olim natus est in
Præsepio. Observa humilitatem, & verecundum a-
morem Mariæ, & Josephi coram hoc suavissimo Puel-
lo; abjice te ad pedes ejus: aperi cor tuum: rega ut in
eo solus dominetur.

NATI-